



AN OIFIG UM CHLÁRÚ CUIDEACHTAÍ  
COMPANIES REGISTRATION OFFICE



# CUIDEACHTA A ATHBHUNÚ CHUIG AN gCLÁR

BILEOG FAISNÉISE UIMH. 11 / Aibreán 2019

## REAMHRÁ

Cuid den éifeacht a bheidh ag an mbaint den chlár agus an díscailteadh is ea go mairfidh dliteanas, más ann, gach stiúthóra, oifigigh agus comhalta de chuid na cuideachta atá díscailte de bhun bainte den chlár, agus go bhféadfar é a chur i bhfeidhm ionann is dá mbeadh an chuideachta gan bheith díscailte. Tá an chumhacht ag an Ard-Chúirt chun cuideachta a fhoirceannadh atá bainte den chlár nó díscailte faoin alt sin

## CUID 1: ATHBHUNÚ

Tá dhá rogha le fáil le cuideachta a athbhunú chuig clár na gcuideachtaí ag brath ar an méid ama atá imithe thart ó scriosadh í as an gclár.

- Gníomhaíocht riaracháin
- Ordú cúirte

Dírítear go mion sa bhileog faisnéise seo ar an dá mhodh athbhunaithe.

Tá na foirmeacha (agus na táillí comhdaithe a bhaineann leo) dá dtagraítear sa foilseachán seo le fáil ag [www.cro.ie](http://www.cro.ie).

**Ní dhéanann an bhileog seo iarracht ar bith Acht na gCuideachtaí 2014 a léirmhíniú. Beidh foireann na CRO in ann freagra a thabhairt ar do cheisteanna, ach d'fhéadfadh sé a bheith níos fearr duit teagmháil a dhéanamh le do chomhairleoir ghairmiúil maidir leis na nósanna imeachta athbhunaithe a bhíonn i gceist.**

### 1.1. ATHBHUNÚ TRÍ GHNÍOMHAÍOCHT RIARACHÁIN

Nuair a bhíonn cuideachta scriosta as an gclár agus díscailte ar feadh tréimhse 12 mhí nó níos lú, is féidir léi iarratas ar athbhunú a dhéanamh chuig Cláraitheoir na gCuideachtaí.

#### Próiseas

Nuair a bhíonn cuideachta scriosta as an gclár de bhun alt 733 d'Acht na gCuideachtaí 2014 nó sa chás inar baineadh cuideachta den chlár toisc gur mhainnigh sí déanamh de réir cheanglais na gCoimisinéirí loncaim (alt 726(b) d'ácht na gCuideachtaí 2014), is féidir léi iarratas a dhéanamh chuig Cláraitheoir na gCuideachtaí chun an chuideachta a athbhunú chuig an gclár.

Ba chóir **Foirm H1** a úsáid tráth nach déanaí ná 12 mhí ón dáta a dhíscailtear an chuideachta chun críocha an iarratais seo. Nuair a sheachadtar na tuairisceáin bhliantúla ar fad chuig an CRO nach mbíonn curtha isteach ag an gcuideachta, tugtar cumhacht don Chláraitheoir ainm na cuideachta a athbhunú chuig an gclár.

Ní mór gach ceann de na ceanglais seo a leanas a chomhlíonadh laistigh de 15 mhí ó dháta dhíscailte na cuideachta:

1. Go seachadfar chuig an CRO freisin na tuairisceáin bhliantúla ar fad, mar aon leis na ráitis airgeadais nach mór iad a chur i gceangal leo de bhun fhorálacha Acht na gCuideachtaí 2014, nach bhfuarthas ón gcuideachta, más ann. Ní mór go mbainfeadh na ráitis airgeadais le bliain airgeadais aonair, agus ní féidir iad a chónascadh leis na ráitis airgeadais a bhaineann le bliain airgeadais eile nó le blianta airgeadais eile.

(Gearrtar táille €20 in aghaidh an tuairisceáin móide na táillí ábhartha um chomhdú déanach).

Más rud é gur baineadh cuideachta den chlár tar éis mainneachtain i gcomhlíonadh ceanglas de chuid na gCoimisinéirí loncaim, ní mór doiciméad breise a chur isteach.

2. Deimhniú i scríbhinn ó na Coimisinéirí loncaim á rá go ndearna an chuideachta na ráitis go léir atá gan tabhairt, más ann, agus a cheanglaítear a thabhairt le halt 882 den Acht Comhdhlúite Cánacha, 1997, a sheachadadh orthu.

**Tabhair faoi deara** le do thoil gur gá na tuairisceáin bhliantúla atá fós le comhdú a chur isteach in éineacht le Foirm H1. Ní mór cuntais iniúchta a chur isteach le tuairisceáin bhliantúla i leith na bliana

1990 ar aghaidh. Ina theannta sin, is féidir an táille le cuideachta a athbhunú, ag úsáid Foirme H1, a íoc ag úsáid airgid thirim nó dréachta bainc, ó chuntas taise CRO na cuideachta.

Nuair a thagann athrú ar sheoladh na cuideachta, ní mór **Foirm B2** a chomhdú agus í comhlánaithe i gceart. Nuair a thagann athrú ar stiúthóir/rúnaí nó ar a sonraí, ní mór **Foirm B10** a chomhdú le hé seo a chur in iúl don CRO dá réir sin.

Go hachomair, ionas go gcuirfí an chuideachta ar ais ar an gclár ar bhonn riaracháin laistigh de 12 mhí ón díscaoileadh, ní mór foirm H1 a chur isteach agus, beag beann ar mhodh na bainte den chlár – (a) ní mór a bheith faighte ag an gCláraitheoir ón gcuideachta gach tuairisceán bliantúil atá gan tabhairt, más ann, ar tuairisceáin bhliantúla iad atá ullmhaithe de réir Chuid 6 d'Acht na gCuideachtaí 2014; (b) ní mór deimhniú i scríbhinn a bheith faighte ag an gCláraitheoir ó na Coimisinéirí Ioncaim á rá nach bhfuil aon agóid á déanamh acu i gcoinne an chuideachta a chur ar ais ar an gclár faoin alt seo (más infheidhme); (c) ní mór don Chláraitheoir a bheith deimhin go bhfuil alt 137(1) á chomhlíonadh i leith na cuideachta; agus (d) ní mór don Chláraitheoir a bheith deimhin nach bhfuil aon fhógra atá ceangailte faoi alt 149(8) fós gan tabhairt i leith na cuideachta.

Má mhainnítear iarratas ar an gcuideachta a chur ar ais ar an gclár ar bhonn riaracháin a chur i gcrích laistigh de bhliain agus na ceanglais thuas a chomhlíonadh laistigh de 15 mhí ó dháta díscaoilte na cuideachta, ní mór don láithreoir iarratas a dhéanamh chun na cúirte agus próiseas na cúirte um chur ar ais ar an gclár a leanúint.

Ón 1 Meitheamh 2017 i leith, is go leictreonach amháin a bheifear in ann foirm B1 (agus cuntais airgeadais), B2, B10 agus B73 a chomhdú. Is go leictreonach amháin an tuairisceán bliantúil a íoc freisin.

## 1.2. Cuideachta Bainistíochta Úinéirí

Ní féidir an fhoirm H1-OMC a úsáid ach do Chuideachtaí Bainistíochta Úinéirí amháin. Is féidir cuideachta da sort a chur ar ais o thaobh riaracháin de laistigh de **shé bliana** on dáta díscaoilte. Ní mór na teastais abhartha bheith ag gabháil leis an bhfoirm sula féidir í a chur ar ais ar an gclár.

Má chomhlánaíonn oifigeach Cuideachta Bainistíochta Úinéara Foirm H1 sa chéad 12 mhí ó dhíscaoileadh cuideachta, ní gá Foirm H1-OMC a chomhdú i gcúinsí dá sórt.

Ní féidir cuideachta, lena n-áirítear Cuideachta Bainistíochta Úinéirí, a chur ar ais ar an gclár mura seachadatar na tuairisceáin bhliantúil go léir ar an CRO, a bheidh gan tabhairt i leith na cuideachta sin. Ní féidir cuideachta a chur ar ais ar an gclár mura bhfuil an teastas ag gabháil leis an iarratas.

Mura bhfuil teastas an chuntasóra/an atur nae ag gabháil leis an bhfoirm seo, mar aon le cóip dheimhnithe den ghníomhas aistriithe, maidir leis na comhlimistéir nó cuid díobh, i leith na forbartha ilaonad ar corpraíodh an chuideachta ina leith, ní féidir an chuideachta a chur ar ais ar an gclár. Ciallaíonn “cóip dheimhnithe” cóip den ghníomhas aistriithe a dheimhníonn atur nae gur cóip den bhunghníomhas é.

Is é an táille a ghabhann leis an H1-OMC ná €300.

Tabhair faoi deara, le do thoil, nach bhfuil an Fhoirm H1-OMC cáilithe leis an bPróiseas Mear chun iad a chur ar ais ar an gclár.

## 2. ATHBHUNÚ TRÍ ORDÚ CÚIRTE

Nuair a bhíonn cuideachta scriosta as an gclár agus díscaoilte ar feadh breis is 12 mhí, ní féidir le Cláraitheoir na gCuideachtaí an chuideachta seo a athbhunú chuig an gclár ó thaobh riaracháin de.

Ar an gcoinníoll, áfach, nach bhfuil breis is 20 bliain imithe thart ó díscaoileadh na cuideachta, is féidir leis an gcuideachta nó comhalta na cuideachta iarratas a dhéanamh chuig an Ard-Chúirt chun an chuideachta a athbhunú chuig an gclár, i gcás go mbíonn an chuideachta scriosta go deonach as an gclár ar iarratas uathí féin, nó ag oifigeach nó comhalta na cuideachta i gcás gur scriosadh an chuideachta as an gclár toisc gur theip uirthi a tuairisceáin bhliantúla a chomhdú nó ar iarratas ó na

Coimisinéirí loncaim nuair a theipeann ar chuideachta ráiteas a sheachadadh chucu. (Cuideachta infheistíochta - 2 bliana amháin - alt 1403 Acht na gCuideachtaí 2014).

Moltar duit comhairle dhlíthiúil a fháil nuair a bhíonn sé beartaithe agat iarratas ar athbhunú a lorg ón gcúirt.

Ní mór iarratas ar athbhunú a chur in iúl do Chláraitheoir na gCuideachta agus don Aire Airgeadais agus loncaim, a ghlacann le ceanglais éagsúla nós imeachta sula n-eisítear litir a thacaíonn leis an gcuideachta a athbhunú. Bíonn Oifig an Phríomh-Aturnae Stáit ina hionadaí don CRO agus bíonn Aturnae an Aire Airgeadais agus loncaim ina ionadaí do na Coimisinéirí Loncaim.

## 2.1 Cuideachta/comhalta/oifigeach & athbhunú

Féadfaidh cuideachta atá díscailte le tréimhse is giorra ná 20 bliain iarratas a dhéanamh chun na hArd-Chúirte go gcuirfí ar ais ar an gclár í. Is iondúil go roghnóidh an chuideachta go gcuirfí ar ais ar an gclár ar bhonn riaracháin í nuair atá tréimhse is lú ná 12 mhí cáite ó díscailte an chuideachta, toisc gur tapa agus gur saoire é sin ná iarratas chun na hArd-Chúirte.

Déantar an t-iarratas chun an chuideachta a chur ar ais ar an gclár faoi alt 738 d'Acht na gCuideachtaí 2014. Féadfaidh an stiúrthóir, an comhalta nó an t-aturnae atá ag gníomhú thar ceann na cuideachta na céimeanna seo a leanas a ghlacadh:

- (a) Litir a chur faoi bhráid Rannóg Fhorfheidhmithe na CRO ag iarraidh deimhnithe a fháil go dtacaíonn Cláraitheoir na gCuideachtaí le hathbhunú na cuideachta.

Eiseoidh an CRO litir a thacaíonn leis an gcuideachta a athbhunú, faoi réir an ordú athbhunaithe, lena n-áirítear foráil go rachaidh an litir i léig má theipeann ar an iarrthóir í a sheachadadh do Chláraitheoir na gCuideachtaí tráth nach déanaí ná 28 laethanta ón dáta ar a fógraíodh an t-ordú.

**Ní bheidh éifeacht ag ordú athbhunaithe na Cúirte ach amháin nuair a sheachadtar don CRO na tuairisceáin<sup>1</sup> a bhíonn fós le comhdú, lena n-áirítear na cuntais, tráth nach déanaí ná 28 laethanta amháin ó dháta an ordaithe. I gcás nach ndéantar é seo laistigh den tréimhse ama shonraithe, ní athbhunófar an chuideachta chuig an gclár.**

- (b) Déanfar iarratas chun na hArd-Chúirte faoi alt 738 iar bhfógra don Chláraitheoir, don Aire Caiteachais Phoiblí agus Athchóirithe agus do na Coimisinéirí Loncaim.

- (c) Nuair a dhéantar ordú Ard-Chúirte le cuideachta a athbhunú, seol cóip dhearbhaithe den ordú chuig an CRO<sup>2</sup>, in éineacht leis an táille chomhdaithe, tráth nach déanaí ná **28 laethanta** ón dáta ar a fógraíodh an t-ordú.

- (d) Mura mbíonn na tuairisceáin bhliantúla faighte ag an CRO, ní mór iad a thaisceadh anois gan mhoill in éineacht leis an bpiónós comhdaithe déanach. **I gcás nach ndéantar é seo laistigh den tréimhse ama shonraithe (an ordú cúirte), ní athbhunófar an chuideachta chuig an gclár.**

Nuair a chuirtear an t-ordú cúirte faoi bhráid na CRO, athraítear sonrú na cuideachta ó "Cuideachta Dhíscailte" go "Gnáthchuideachta" le héifeacht ón dáta a fhaigheann an CRO an t-ordú cúirte.

Foilseoidh an CRO fógra ar an gcuideachta a athbhunú ina hIrlís CRO i gceann na haimsire. Nuair a dhéantar an chuideachta a chuardach ag <http://search.cro.ie/company/> taispeánfar freisin gur cuireadh ar ais ar an gclár í. Taispeánfar an dáta seo ar eischló na cuideachta freisin.

<sup>1</sup> I dteannta leis an ngnáth-tháille chomhdaithe, gearrtar táillí comhdaithe déanach €100 i leith tuairisceáin a chomhdaítear go déanach (i.e. tuairisceán a chomhdaítear níos mó ná 28 lá i ndiaidh dháta an tuairisceáin), in éineacht le táille €3 do gach lá breise ina dhiaidh sin a bhíonn an tuairisceán déanach, suas go dtí uastáille iomlána comhdaithe €1,200 in aghaidh an tuairisceáin.

Ar iarratas athbhunaithe, cuirtear teorainn trí bliana leis an dtáille comhdaithe déanach i.e. €3,600. Ní ghlactar le seiceanna cuideachtaí ó chuideachtaí díscailte.

<sup>2</sup> Ní mór don doiciméad seo a bheith sínithe ag an gCóipeálaí Maoirseachta

## 2.2 Creidiúnaithe & athbhunú

I gcás cuideachta a díscailteadh toisc gur theip uirthi tuairisceáin bhliantúla a chomhdú nó de bharr iarratais ó na Coimisinéirí Ioncaim, is féidir le creidiúnaí na cuideachta seo iarratas a dhéanamh chuig an gCúirt Chuarda nó chuig an Ard-Chúirt am ar bith chun an chuideachta a athbhunú chuig an gclár, ar an gcoinníoll nach bhfuil 20 bliain imithe thart ó dháta díscailte na cuideachta.

Más rud é gur baineadh an chuideachta den chlár, féadfaidh creidiúnaí iarratas a dhéanamh chun na hArd-Chúirte nó na Cúirte Cuarda, de bhun alt 738(2)(b) d'Acht na gCuideachtaí 2014, ar an gcuideachta a chur ar ais ar an gclár.

Ní mór don chreidiúnaí na bearta seo a leanas a dhéanamh:<sup>3</sup>

- (a) Litir a chur faoi bhráid Rannóg Fhorfheidhmithe na CRO ag iarraidh deimhnithe a fháil go dtacaíonn Cláráitheoir na gCuideachtaí le hathbhunú na cuideachta.

Eiseoidh an Cláráitheoir litir go dtacaíonn sé/sí leis an iarratas ar an gcoinníoll go bhfuil foráil san ordú athbhunaithe go rachaidh sé i léig mura ndéanfaidh an creidiúnaí í a sheachadadh don Chláráitheoir tráth nach déanaí ná trí mhí ón dáta a fhógraítear an t-ordú.

- (i) faoi dháta éisteachta an iarratais ar chur ar ais ar an gclár, agus
- (ii) gurb amhlaidh, de bhun alt 740(4) d'Acht na gCuideachtaí 2014, go mbeidh ordachán san áireamh san ordú cúirte á rá:
- (a) go soláthróidh comhalta nó oifigeach sonraithe amháin nó níos mó den chuideachta go seachadfaidh an chuideachta gach tuairisceán bliantúil atá gan tabhairt, de réir Chuid 6 d'Acht na gCuideachtaí 2014, ar an gCláráitheoir;
- (b) go ndéanfaidh an comhalta nó an t-oifigeach sonraithe amháin sin nó na comhaltaí agus oifigigh shonraithe sin na ráitis go léir a bheidh gan déanamh agus a éilítear le halt 882 den Acht Comhdhlúite Cánacha, 1997, i ndáil leis an gcuideachta, a sheachadadh ar na Coimisinéirí Ioncaim;
- (c) go nglacfaidh na comhaltaí nó na hoifigigh shonraithe sin gach beart réasúnach chun a áirithiú go gceapfaidh an chuideachta stiúrthóir agus go seachadfar ar an gCláráitheoir an fógra agus an toiliú a cheanglaítear le halt 149(8) agus (10), faoi seach, agus gurb amhlaidh –
- (i) go mbeidh an duine arna cheapadh amhlaidh ina chónaí nó ina cónaí i mBallstát den LEE; nó
- (ii) mura rud é go mbeidh deimhniú faoi alt 140 i ndáil leis an gcuideachta deonaithe ag an gCláráitheoir agus go bhfuil sé i bhfeidhm, go gcuirfidh an cuideachta banna ar fáil don Chláráitheoir de réir alt 137.

Eiseoidh an Cláráitheoir litir neamh-agóide i leith an iarratais ar choinníoll go n-áirítear san ordú um chur ar ais ar an gclár foráil go rachaidh sé in éag mura seachadfaidh an creidiúnaí is iarratasóir ar an gcláráitheoir é laistigh de 28 lá tar éis dháta a chomhlánaithe.

- (b) Déanfar iarratas chun na hArd-Chúirte nó na Cúirte Cuarda ó chreidiúnaí faoi alt 738 iar bhfógra don Chláráitheoir, don Aire Caiteachais Phoiblí agus Athchóirithe agus do na Coimisinéirí Ioncaim.
- (c) Tar éis ordú Ard-Chúirte a bheith déanta lena gcuirtear an chuideachta ar ais ar an gclár, seachadfar ar an CRO lena clárú cóip dheimhnithe den ordú<sup>4</sup>, mar aon leis an táille comhdaithe, laistigh de 28 lá ó dháta a chomhlánaithe.

<sup>3</sup> D'fhonn a bheith i do "creidiúnaí" le hiarratas ar athbhunú a dhéanamh chuig an gcúirt, is é an dlí ná go mba ghá don iarrthóir bheith ina c(h)reidiúnaí agus an chuideachta á scríosadh as an gclár.

<sup>4</sup> Ní mór don doiciméad seo a bheith sínithe ag an gCóipeálaí Maoirseachta

Tar éis thaisceadh an ordaithe cúirte sa CRO, athrófar ainmniú na cuideachta ó 'Díscaoilte' go dtí 'Gnáthstadas' le feidhm ón dáta ar a fuarthas an t-ordú cúirte.

Foilseoidh CRO fógra faoi chur ar ais na cuideachta ar an gclár in Iris CRO in am trátha. Taispeánfaidh cuardach cuideachta ar [www.cro.ie](http://www.cro.ie) go bhfuil an chuideachta curtha ar ais freisin. Beidh an dáta ar ar cuireadh an chuideachta ar ais le feiceáil ar asphrionta cuideachta.

### **3. Cur ar Ais ar an gClár agus Cineál na Cuideachta**

Sa chás ina gcuirtear cuideachta ar ais ar an gclár agus nach ndearnadh na hathruithe uirthi atá ceangailte faoi Acht na gCuideachtaí 2014, ní mór na hathruithe a chur chun feidhme nuair a chuirfead ar ais í.

Ní mór 'Cuideachta faoi Theorainn Ráthaíochta' a bheith ag deireadh ainmneacha cuideachtaí poiblí faoi theorainn ráthaíochta mura bhfuil díolúine acu ina leith sin. Ní mór 'Cuideachta Ghníomhaíochta Ainmnithe' a bheith ag deireadh ainmneacha cuideachtaí príobháideacha faoi theorainn ráthaíochta mura bhfuil díolúine acu ina leith sin. Ní mór 'Cuideachta Neamhtheoranta' a bheith ag deireadh ainmneacha cuideachtaí neamhtheoranta.

Beidh cuideachtaí príobháideacha faoi theorainn scaireanna ina gcuideachtaí TEO faoi Chuid 2 d'Acht na gCuideachtaí 2014. Más mian le cuideachta den sórt sin a bheith ina Cuideachta Ghníomhaíochta Ainmnithe nó más gá di a bheith ina Cuideachta Ghníomhaíochta Ainmnithe, nuair a bheidh an chuideachta curtha ar ais ar an gclár féadfaidh sí leas a bhaint as an bpróiseas athchlárú faoi Chuid 20 den Acht.

**AN OIFIG UM CHLÁRÚ CUIDEACHTAÍ**  
**Oifig Poiblí:** Teach Pharnell, 14 Cearnóg Pharnell, Baile Átha Cliath 1  
**Fiosruithe:** Bóthar Uí Bhriain, Ceatharlach

**Lóghlao:** 1890 220 226  
**Fón:** +353 1 804 5200 **Faicis:** +353 1 804 5222  
**Ríomhphost:** info@cro.ie **Láithreán:** www.cro.ie

**COMPANIES REGISTRATION OFFICE**  
**Public Office:** Parnell House, 14 Parnell Square, Dublin 1  
**Postal Enquiries:** O'Brien Road, Carlow

**Lo Call:** 1890 220 226  
**Tel:** +353 1 804 5200 **Fax:** +353 1 804 5222  
**Email:** info@cro.ie **Web:** www.cro.ie